

17-04-2018

UGOVOR

o pružanju usluga održavanja i servisiranja liftova na period od dvije godine

Zaključen u Sarajevu između:

Zavoda zdravstvenog osiguranja Kantona Sarajevo, Ul. Ložionička broj 2 (u daljem tekstu Ugovorni organ), kojeg zastupa direktor Mr. sci. oec. prim. spec. dr. Samir Turković

DVG-ALM COMPANY d.o.o. Sarajevo, Ul. Nedima Filipovića bb (u daljem tekstu Pružalac usluga), kojeg zastupa direktor Nihad Fetihović.

PREDMET UGOVORA

Član 1.

Predmet ugovora je regulisanje prava i obaveza između Ugovornog organa i Pružaoca usluga kao izabranog ponuđača u postupku javne nabavke putem direktnog sporazuma za nabavku usluga održavanja i servisiranja liftova u poslovnim prostorijama Zavoda zdravstvenog osiguranja Kantona Sarajevo, u skladu sa Odlukom o pokretanju postupka putem direktnog sporazuma broj 03-08-Dž.K.-10094-OP/18 od 19.03.2018. godine; Pozivom na dostavljanje ponude broj 03-08-Dž.K.-10094-DSP/18 od 19.03.2018. godine, ponudom Pružaoca usluga broj: 702/18 od 22.03.2018. godine i Odlukom o prihvatanju ponude broj 03-08-Dž.K.-10094-OP/18 od 26.03.2018. godine.

Član 2.

Usluge koje su predmet ovog Ugovora su redovno mjesečno održavanje liftova, što obuhvata:

- provjera pravilnog rida djelovanja svih sigurnosnih uređaja, naročito djelovanje sigurnosnih uređaja kočnice pogonske mašinske, hvatačkog uređaja, regulatora brzine, prekidača odbojnika, vrata voznog okna,
- provjera nosećih uzadi te njihove veze sa kabinom i protutegom,
- provjera vuče što se ostvaruje silom trenja,
- provjera izolacije svih strujnih krugova i njihovih veza s uzemljenjem pregledom izolacije,
- provjera priključaka na gromobranksku instalaciju,
- čišćenje i podmazivanje dijelova lifta,
- provjera ispravnosti rada lifta pri vožnji od stanice do stanice uzduž voznog okna u oba smjera, te pri pristajanju,
- provjera nužnih izlaza,
- provjera ispravnosti pogonskih i upravljačkih uređaja lifta,
- sve ostale obaveze koje su definisane zakonom i podzakonskim aktima u polju predmetnih usluga.

Pružalac usluga će održavanje liftova vršiti u poslovnim prostorijama ugovornog organa i to:

1. Električni putnički lift sa 13 stanica, nosivosti do 860 kg
2. Električni putnički lift sa 2 stanice, nosivosti do 630 kg
3. Električna invalidska platforma nosivosti do 100 kg

OK PRUŽANJA USLUGE

Član 3.

Pružalac usluga se obavezuje da će uslugu iz Člana 2. ovog Ugovora vršiti **mjesečno** na osnovu primljene naredbe, a u slučaju hitnih intervencija odmah se odazvati na poziv Ugovornog organa (najkasnije 2 sata po pozivu).

Pregled liftova će se izvršiti u skladu sa preporukama proizvođača, tehničkim propisima, standardima, te usvojenoj metodologiji za ovu vrstu servisiranja.

OBAVEZE UGOVORNIH STRANA

Član 4.

Usluge će se vršiti na način da su u skladu sa Naredbom o sigurnosti liftova ("Službeni glasnik BiH", broj 99/12).

Pružalac usluga se obavezuje da će po izvršenom pregledu iz Člana 2. ovog Ugovora Ugovornom organu dostaviti Zapisnik i svu drugu potrebnu dokumentaciju.

Pružalac usluga se obavezuje da će:

- Izvršeni mjesečni servis obavezno **upisati u Knjigu revizije;**
- Sve rezultate ispitivanja sigurnosnih elemenata lifta upisati u Knjigu revizije;
- Sve izvršene popravke, izmjene sklopova i dijelova lifta upisati u Knjigu revizije lifta;
- Nedostatke na dizalu koji ugrožavaju sigurnost korištenja lifta, upisati u Knjigu revizije i preko RADNE LISTE obavijestiti Ugovorni organ;
- Ukoliko kod mjesečnog redovnog servisa ili popravka lifta radnik ustanovi da je lift **neispravan** ili ugrožena sigurnost korisnika, isti je dužan lift isključiti, obavijestiti Ugovorni organ.

Pružalac usluga se obavezuje da će u ime Vlasnika lifta, vršiti spasavanje lica iz lifta, u smislu odredbe člana 30. Naredbe o sigurnosti liftova ("Službeni glasnik BiH", broj 99/12).

U skladu sa članom 28. stav 6. Naredbe o sigurnosti liftova ("Službeni glasnik BiH", broj 99/12), Pružalac usluga se obavezuje da do 20.11.2018. godine Ugovornom organu dostavi dokaz o predaji zahtjeva za produženje Odobrenja o stručnoj osposobljenosti održavatelja liftova, a najkasnije do 17.01.2019. godine dostavi Odobrenje o stručnoj osposobljenosti održavatelja liftova za 2019. godinu.

Član 5.

Cijena nabavke usluge koja je predmet ovog ugovora ukupno iznosi **2.160,00 KM bez PDV-a, tj. 2.527,20 KM sa PDV-om** za period od 2 (dvije) godine, na koliko se ugovor i zaključuje.

Paušalna mjesečna cijena održavanja tri lifta iznosi **90,00 KM bez PDV-a, tj. 105,30 KM sa PDV-om.**

U slučaju potrebe za uslugama većeg obima ili zamjenskim dijelovima, izvan okvira ugovornih obaveza redovnog održavanja, Pružalac usluga je obavezan tražiti saglasnost Ugovornog organa, te obrazložiti potrebu izvođenja istih i priložiti važeći cjenovnik.

Član 6.

Ugovorni organ će Pružaocu usluga redovno plaćati paušalnu cijenu iz člana 5. ovog Ugovora po ispostavljenoj fakturi, najkasnije u roku do 60 dana od ispostave fakture.

SPORUKE ROBE/USLUGE

Član 7.

Pružalac usluga se obavezuje da će uslugu iz Člana 2. ovog Ugovora vršiti mjesečno na osnovu primljene narudžbenice, a u slučaju hitnih intervencija odmah se odazvati na poziv Ugovornog organa (najkasnije 2 sata po pozivu).

U slučaju da izvršene usluge svojim kvalitetom ne odgovaraju ugovorenim i zahtjevima Ugovornog organa, Ugovorni organ zadržava pravo da od Pružaoца usluga zahtjeva otklanjanje noćenih nedostataka, a u protivnom zadržava pravo da raskine predmetni ugovor.

Član 8.

Pružalac usluga ima pravo na produženje ugovorenog roka ako je u isporuci robe i vršenju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotres, klimatski uslovi i sl.),
- mjere državnih organa.

Pružalac usluga je dužan da Ugovornog organa pismeno obavijesti o svojoj namjeri da zbog navedenih okolnosti traži produženje roka.

Član 9.

Ako Pružalac usluga zakasni sa izvršenjem isporuke robe i izvršenjem usluge iz razloga koji nisu obuhvaćeni članom 8. ovog Ugovora, snosit će svu štetu za Ugovorni organ (npr. dodatni troškovi, izmakla dobit itd.) nastalu usljed kašnjenja sa isporukom i/ili izvršenjem.

NAKNADA ŠTETE

Član 10.

Ugovorna strana koja neurednim ispunjenjem ili neispunjenjem ugovorne obaveze prouzrokuje štetu drugoj ugovornoj strani, dužna je da štetu naknadi u cijelosti i to u roku od 30 (trideset) dana od dana postavljenog kompletiranog i osnovanog zahtjeva za isplatu naknade.

PRESTANAK UGOVORA

Član 11.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana, ali ne duže od 2 (dvije) godine računajući od dana stupanja na snagu Ugovora.

Član 12.

Ugovor može prestati i prije njegovog izvršenja, u slučaju raskida. Ugovorne strane mogu raskinuti ovaj ugovor:

- ako Pružalac usluga redovno ne izmiruje svoje obaveze po osnovu direktnih i indirektnih poreza i ostalih javnih prihoda;
- ako se utvrdi da isporučena usluga ne ispunjava kriterije iz ponude temeljem kako je zaključen ugovor;
- ako je došlo do zaostajanja u isporuci robe i pružanja usluge koja je predmet ugovora,
- u slučajevima kada se kod jedne ili obje ugovorne strane jave razlozi izvan njihovog utjecaja koji onemogućavaju dalje izvršenje ugovornih obaveza;
- ako ugovorni organ ne izvrši svoju obavezu plaćanja po ispostavljenoj fakturi, a nakon uredno izvršene isporuke i/ili pružene usluge;
- u svim ostalim slučajevima propisanim zakonom.

Iz razloga propisanih stavom 2. alineje b), c) i e) ugovor se može raskinuti samo ako je prethodno upućen pisani poziv sa zahtjevom ispunjenje ugovornih obaveza i sa ostavljenim dodatnim rokom koji ne može biti kraći od 8 (osam) i duži od 30 (trideset) dana.

U svakom slučaju ugovor se ne može raskinuti zbog neizvršenja neznatnog dijela ugovorene obaveze.

Član 13.

Ugovor se raskida pisanom izjavom koja se dostavlja drugoj ugovornoj strani. Izjava mora biti naznačeno po kom osnovu se ugovor raskida, kao i dostavljen dokaz da je druga ugovorna strana prethodno, takođe pisanim putem, pozvana na ispunjenje ugovorene obaveze.

Član 14.

Ugovorni organ će raskinuti ugovor sa Pružaocem usluge i ukoliko se ustanovi da ponudene usluge koje su zadovoljile kriterije Poziva na dostavljanje ponude nisu jednake pruženim uslugama koje su predmet ugovora.

Ugovorni organ će raskinuti ugovor sa Pružaocem usluga ukoliko isti ne postupi u skladu sa članom 4. stav 3. ovog Ugovora, a koji se odnosi na Odobrenje o stručnoj osposobljenosti održavatelja liftova.

OSTALE ODREDBE

Član 15.

Svi sporovi koji eventualno nastanu iz ovog Ugovora rješavat će se dogovorom ugovornih strana.

Ako se spor ne riješi na taj način, za sudske odlučivanje određuje se mjestu nadležnost suda u Sarajevu.

Član 16.

Pružalac usluga nema pravo zapošljavati, u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

Član 17.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakona o obligacionim odnosima.

ZAVRŠNE ODREDBE

Član 18.

Sastavni dio ovog ugovora su:

- Odluka o pokretanju postupka broj 03-08-DŽ.K.-10094-OP/18 od 19.03.2018. godine;
- Poziv na dostavljanje ponude broj 03-08-DŽ.K.-10094-DSP/18 od 19.03.2018. godine;
- Odluka o prihvatanju ponude broj 03-08-DŽ.K.-10094-OP/18 od 26.03.2018. godine;
- Prihvaćena ponuda Pružalaca usluga broj broj 702/18 od 22.03.2018. godine.

Član 19.

Ovaj ugovor stupa na snagu danom potpisivanja od strane obje ugovorne strane.

Ukoliko ugovorne strane ne potpišu ugovor na istovjetan datum, danom stupanja na snagu ugovora ima se smatrati kasniji datum potpisa.

Član 20.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

Pružalac usluga:

DVG-ALM COMPANY d.o.o.

[Redacted signature area]

Nihad Fetahović

Ugovorni organ:

ZAVOD ZDRAVSTVENOG OSIGURANJA
KANTONA SARAJEVO

[Redacted signature area]

Merisec priop. spec. dr. Samir Turković

Broj: 203/18

Datum: 12.04.2018.

Broj: 03-08-D2.K.-10094-UG/18

Datum: 12.04.2018. godine.